

**ՊԱՅՄԱՆԱԳԻՐ**  
**Ծառայությունների մատուցման**  
**N 05/10/22**

ք. Երևան

«03» հոկտեմբերի 2022թ.

«Կարեն Դեմիրճյանի անվան մարզահամերգային համալիր» պետական ոչ առևտրային կազմակերպությունը, ի դեմս տնօրեն Կարեն Ղազարյանի, ով գործում է կազմակերպության կանոնադրության հիման վրա, (այսուհետ՝ «Կատարող»), մի կողմից, և «Առողջապահության նախարարությունը» (այսուհետ՝ նաև Պատվիրատու), ի դեմս գլխավոր քարտուղար Վարդանուշ Գրիգորյանի, ով գործում է Պատվիրատուի կանոնադրության հիման վրա մյուս կողմից, (երկուսը միասին այսուհետ՝ նաև Կողմեր), կնքեցին սույն Պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Սույն պայմանագրով Կատարողը պարտավորվում է Պատվիրատուի հանձնարարությամբ մատուցել սույն պայմանագրի Հավելված 1-ում նշված ծառայությունները, իսկ Պատվիրատուն պարտավորվում է վճարել այդ ծառայությունների համար՝ սույն պայմանագրի 4.1 կետի համաձայն:

1.2 Ծառայությունները մատուցվում են պայմանագրի Հավելված 1-ով սահմանված Տեխնիկական բնութագրին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ**

**2.1. Կատարողը պարտավոր է՝**

2.1.1. Ծառայությունները մատուցել պատշաճ որակով:

2.1.2. Ծառայությունները մատուցել ամբողջ ծավալով, սույն Պայմանագրի Հավելված 1-ում նշված ժամկետում:

2.1.3. Մատուցվող Ծառայությունների վերաբերյալ Պատվիրատուի գրավոր և բանավոր առարկությունները ստանալուց հետո ոչ ուշ քան մեկ ժամվա ընթացքում վերացնել թերությունները՝ տեղեկացնելով Պատվիրատուին:

2.1.4 Պատվիրատուի կողմից միջոցառման շրջանակներում և միջոցառման ապահովման նպատակով համապատասխան սարքերի և սարքավորումների տեղադրման նպատակով միջոցառման անցկացման օրվանից առաջ Պատվիրատուի կողմից ներկայացված ցուցակում նշված անձանց մուտքի թույլտվության տրամադրում Մարզահամերգային համալիրի ճեմասրահի, նրան հարակից տարածքների, հարակից բակային տարածքների, համերգային դահլիճի և նրան հարակից սեմինար դահլիճների, սպորտային դահլիճի և 7-րդ հարկի կլոր կոնֆերանս դահլիճի տարածք՝ սույն պայմանագրին կից Հավելվածի 1-ով նախատեսված ժամերին:

**2.2. Կատարողն իրավունք ունի՝**

2.2.1. լուծել պայմանագիրը 4.1 կետով նախատեսված վճարումները նույն կետով սահմանված ժամկետում չկատարելու (ուշացնելու) դեպքում:

2.2.2. պահանջել Պատվիրատուից հատուցել Կատարողի կողմից տրամադրված գույքին (այդ թվում սարքերին, սարքավորումներին, շենքերին, շինություններին և այլն) պատճառված վնասը, որը գնահատված է անկախ փորձագետի կողմից:

2.2.4 Պատվիրատուի նախաձեռնությամբ և/կամ մեղքով սույն Պայմանագրին կից Հավելված 1-ով նախատեսված միջոցառման իրականացումը տեղափոխելու դեպքում Պատվիրատուից գանձել տուգանք Պայմանագրի գնի 20 տոկոսի չափով:

**2.3. Պատվիրատուն պարտավոր է՝**

2.3.1. Ծառայությունների դիմաց վճարել սույն Պայմանագրի 4-րդ կետում և սույն Պայմանագրի Հավելված 1-ում նշված կարգով, ժամկետներում և գնին համապատասխան.

2.3.2. որևէ կերպ չխոչընդոտել Կատարողի Ծառայության մատուցմանն ուղղված օրինաչափ գործողություններին.

2.3.3. Միջոցառումը կազմակերպել և իրականացնել Պայմանագրի պայմաններին և Մարգահամերգային համալիրի շենքի գործառնական նշանակությանը համապատասխան.

2.3.7 Միջոցառման օրերին տարածքում ապահովել շտապ օգնության անձնակազմի ներկայություն:

2.3.8 փոխհատուցել Կատարողի կողմից տրամադրված գույքին (այդ թվում սարքերին, սարքավորումներին, շենքերին, շինություններին և այլն) պատճառված վնասը:

#### **2.4. Պատվիրատուն իրավունք ունի՝**

2.4.1. ստուգել Կատարողի կողմից մատուցվող Ծառայությունների ընթացքը և որակը.

2.4.2. Կատարողի կողմից Ծառայությունները ոչ պատշաճ, կետանցով, ոչ լրիվ ծավալով մատուցելու դեպքում Կատարողից պահանջել 1 /մեկ/ ժամվա ընթացքում վերացնելու թերությունները:

#### **3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

3.1 Մատուցված ծառայության ընդունումը հաստատվում է Պատվիրատուի կողմից Կատարողի ներկայացրած հանձնման-ընդունման արձանագրության ստորագրմամբ:

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն հանձնման-ընդունման արձանագրությունը՝ Հավելված 2, և ԱԿՏ-ը՝ Հավելված 3-ը ստանալու օրվան հաջորդող աշխատանքային օրվանից հաշված 3 (երեք) աշխատանքային օրվա ընթացքում ստորագրում է այն (հաստատում է):

3.3 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված:

#### **4. ՊԱՅՄԱՆԱԳՐԻ ԳԻՆԸ**

4.1. Սույն Պայմանագրի գինը կազմում է 24 000 000 (քսանչորս միլիոն) ՀՀ դրամ ներառյալ ԱԱՀ-ն, որը, Պատվիրատուն պարտավորվում է վճարել Հավելված 1-ով սահմանված ծառայությունների մատուցման հանձնման-ընդունման արձանագրությունը երկկողմանի ստորագրելուց հետո 3 աշխատանքային օրվա ընթացքում:

4.2 Սույն պայմանագրի 4.1 կետով. նախատեսված վճարումները նույն կետով սահմանված ժամկետում չկատարելու (ուշացնելու) դեպքում Պատվիրատուից կարող է գանձվել տուժանք՝ սույն Պայմանագրի գնի 0.5 տոկոսի չափով՝ յուրաքանչյուր ժամկետանց օրվա համար՝ 0,05 տոկոսի չափով:

#### **5. ՊԱՅՄԱՆԱԳՐԻ ԴԱԴԱՐԵՑՄԱՆ ԿԱՄ ՎԱՂԱԺԱՄԿԵՏ ԼՈՒԾՄԱՆ ՀԻՄՔԵՐԸ և ԿԱՐԳԸ**

5.1. Պատվիրատուն իրավունք ունի հրաժարվել սույն Պայմանագիրը կատարելուց՝ Կատարողի փաստացի կատարած ծախսերը և սույն Պայմանագրով նախատեսված տուժանքներն ու տուգանքները վճարելու պայմանով:

5.2 Կողմերն իրավունք ունեն գրավոր փոխադարձ համաձայնությամբ լուծել սույն Պայմանագիրը՝ Պայմանագրի Հավելված 1-ով սահմանված միջոցառման օրվանից ոչ ուշ քան 5 աշխատանքային օր առաջ, այլապես, Կատարողը կարող է պահանջել Պատվիրատուից սույն Պայմանագրի շրջանակներում կատարված աշխատանքների և ծառայությունների փոխհատուցում:

## **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1 Կողմերը որևէ պատասխանատվություն չեն կրում մյուս Կողմի՝ սույն Պայմանագրով սահմանված պարտավորությունների իրականացման ընթացքում, Կողմի կողմից թույլ տված երրորդ անձանց իրավունքները խախտող գործողությունների համար:

6.2. Սույն Պայմանագրով նախատեսված պարտականությունները չկատարելու կամ ոչ պատշաճ / թերի կատարելու արդյունքում խախտող Կողմը պատճառված վնասը հատուցում է մյուս Կողմին Հայաստանի Հանրապետության օրենսդրությամբ սահմանված կազով:

6.3. Վճարները և/կամ Միջոցառումը ուշացնելու և/կամ չիրականացնելու և/կամ որևէ այլ գործողությամբ Կատարողին վնաս պատճառելու դեպքում Պատվիրատուն պատասխանատվություն է կրում Հայաստանի Հանրապետության օրենսդրությամբ սահմանված և սույն Պայմանագրով նախատեսված կարգով և չափով:

6.4. Տույժերի և/կամ տուգանքների և/կամ վնասների հատուցումը Կողմերին չի ազատում սույն Պայմանագրով ստանձնած իրենց պարտականությունները կատարելուց:

6.5. Պատվիրատուն պատասխանատվություն է կրում Միջոցառման իրականացման և/կամ կազմակերպման ընթացքում Պատվիրատուի և/կամ մասնակիցների կողմից Կատարողին պատճառված բոլոր տեսակի վնասների համար:

6.6. Պատվիրատուն պարտավոր է Միջոցառումը կազմակերպել և/կամ իրականացնել Հայաստանի Հանրապետության (ներառյալ, բայց չսահմանափակվելով՝ մտավոր սեփականության օրենսդրության մասին) օրենսդրության պահանջներին համապատասխան:

6.7. Պատվիրատուն պատասխանատվություն է կրում Միջոցառման իրականացման և/կամ կազմակերպման ընթացքում Հայաստանի Հանրապետության օրենսդրության պահանջների խախտման համար:

6.8 Պատվիրատուի նախաձեռնությամբ և/կամ մեղքով սույն Պայմանագրին կից Հավելվածով նախատեսված միջոցառումը չեղարկելու դեպքում, բացառությամբ սույն պայմանագրի 5.2 կետով նախատեսված դեպքերի, Ծառայության առաջին փուլում վճարված կանխավճարը ենթակա չէ վերադարձման:

## **7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)**

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս Կողմին:

## **8. ԱՅԼ ՊԱՅՄԱՆՆԵՐ**

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև Կողմերի պայմանագրով ստանձնած պարտավորությունների ամբողջ ծավալով կատարումը:

8.2 Պայմանագրից ծագած Կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան Կողմի գրավոր համաձայնության:

8.3 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.4 Պայմանագրի պատշաճ կատարման պայմաններում Կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ Կողմի օգուտը կամ կրած վնասն են:

Պայմանագրի Կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

8.5 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

8.6 Սույն պայմանագիրը կազմված է \_\_ (չորս) էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր Կողմին տրվում է պայմանագրի մեկ օրինակ:

8.7 Սույն պայմանագրի նկատմամբ կիրառվում է Հայաստանի Հանրապետության օրենսդրությունը:

**9. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**

**Պ Ա Տ Վ Ի Ր Ա Տ ՈՒ**  
ՀՀ առողջապահության նախարարություն  
Հայաստանի Հանրապետություն, ք. Երևան,  
0010, Հանրապետության հր.,  
Կառավարական տուն 3  
ՀՎՀՀ՝ 02507171  
Բանկ՝ թիվ 1 տարածքային  
զանձապետական բաժին  
Հ/Հ՝ 900011041218

**Կ Ա Տ Ա Ր Ո Ղ**  
«Կարեն Դեմիրճյանի անվան  
մարզահամերգային համալիր»  
ՊՈԱԿ հասցե՝ ք. Երևան, 0028,  
Ծիծեռնակաբերդի գրոսայգի 1  
ՀՎՀՀ՝ 00144572  
Բանկ՝ թիվ 1 տարածքային  
զանձապետական բաժին  
Հ/Հ՝ 900018002825

ՀՀ ԱԲ գլխավոր քարտուղար՝  
  
Կարդանուշ Գրիգորյան  
(ստորագրություն)  




Տնօրեն  
  
Կ Ղ ազ ա ղ յ ա ն  
(ստորագրություն)  


ՏԵԽՆԻԿԱԿԱՆ ԲՆՈՒԹԱԳԻՐ

Ծառայության անվանումը	տեխնիկական բնութագիրը	ընդհանուր գինը/ՀՀ դրամ	մատուցման	
			Հասցեն	Ժամկետը**
Միջոցառման կազմակերպման համար տարածքի տրամադրման սպասարկման ծառայություն	1. «Կարեն Դեմիրճյանի անվան մարզահամերգային համալիր» Մարզահամերգային համալիրի ձեմասրահի, հարակից տարածքների, հարակից սեմինար դահլիճներում, և 7-րդ հարկի կլոր կոնֆերանս դահլիճի 12 աթոռ տարածքի սպորտային դահլիճի տարածքում ԱՀԿ համաժողովի միջոցառման կազմակերպման հետ կապված ծառայություններ	24 000 000 (քսանչորս միլիոն) ՀՀ դրամ	«Կարեն Դեմիրճյանի անվան մարզահամերգային համալիր»  Ծիծեռնակաբերդի զբոսայգի, 1 շենք	04.10.22-08.10.22թթ

Սույն Հավելված 1 Տեխնիկական բնութագրով նախատեսված Ծառայությունները ներառում են

Միջոցառման ացկացման համար 04.10.2022թ-ից մինչև 08.10.2022թ ժամը 09<sup>00</sup>-ից մինչև 19<sup>30</sup> սույն Հավելվածի աղյուսակում նշված տարածքների տրամադրում, և կոմունալ սպասարկում:

<p>Պ Ա Տ Վ Ի Դ Ա Տ ՈՒ ՀՀ առողջապահության նախարարություն Հայաստանի Հանրապետություն, ք. Երևան, 0010, Հանրապետության հր., Կառավարական տուն 3 ՀՎՀՀ՝ 02507171 Բանկ՝ թիվ 1 տարածքային գանձապետական բաժին ՀՀ ԱՆ գլխավոր քարտուղար՝ Վարդանուշ Գրիգորյան  (ստորագրություն) Կ.Տ.</p> 	<p>Կ Ա Տ Ա Ր Ո Ղ «Կարեն Դեմիրճյանի անվան մարզահամերգային համալիր» ՊՈԱԿ Հասցե՝ ք. Երևան, 0028, Ծիծեռնակաբերդի զբոսայգի 1 ՀՎՀՀ՝ 00144572 Բանկ՝ թիվ 1 տարածքային գանձապետական բաժին Հ/Հ՝ 900018002825 Տնօրեն Կ. Նազարյան  (ստորագրություն) Կ.Տ.</p> 
--	--